

اسم الله الأعظم | #خطبة_جمعة | د. حازم شومان

حازم شومان

ان الحمد لله نحمده ونستعين به ونستغفره ونعوذ بالله من شرور انفسنا ومن سيئات اعمالنا. انه من يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله حق تقاته. ولا تموتن - [00:00:00](#)

ان الا وانتم مسلمون. اللهم صل على الحبيب محمد وعلى ازواجه امهات المؤمنين وعلى ذريته وال بيته. انك حميد مجيد اما بعد

اخواني واحبابي في الله فلا اجد اعتذارا اعتذر به لكم عن تأخري الا ان احديثكم في دقائق عن اسم الله الاعظم - [00:00:20](#)

اعظم اسم الله الاعظم كما قال حبيب الله محمد صلى الله عليه وسلم الذي اذا دعي به اجاب واذا سئل به اعطى تخيل لو الكلمتين

دول دخلوا في حياتك اجاب واعطى ده كل ده بمعرفتك لاسم الله الاعظم. اخواني في - [00:00:40](#)

فيه مسابقات في الدنيا مسابقات ربنا ما جعلهاش لعموم الناس لان معزم الناس مشغول عنها. المسابقات دي للاوائل بس. المسابقات

السابقين بس زي ما ربنا قال في الجنة سارعوا الى مغفرة من ربكم وجنة سارعوا. كل اللي هيجري بسرعة هيلحق مكان. ربنا -

[00:01:00](#)

سابقوا الى مغفرة من ربكم وجنة. سابقوا يعني ايه؟ لأ هو مش كل اللي هيزاكر في السانوية العامة هيدخل كلية طب. اللي هيزاكر

حلو اوي اوي هيجيب كلية كويسة بازن الله. انما انما العشرة الاوائل على الجمهورية دي سابقوا بقى من سارعوا. ده دي اماكن

محدودة. من ضمن المسابقات دي - [00:01:20](#)

مسابقة ان مين يعرف اسم الله الاعظم؟ لقد سألت الله باسمه الاعظم الذي اذا دعي به اجاب واذا سئل به اعطى. دي حاجات ده دي

اعلى كمان من مسابقة ان لله تسعة وتسعين اسما. مائة الا واحدة. من احصاها دخل الجنة؟ انك - [00:01:40](#)

تبقى عارف التسعة وتسعين اسم وبتنادي الله بهم. وبتعبد الله بهم وجوة قلبك وعارف معانيهم. دي مسابقة المسابقة الاعلى منها بقى

والله الاعظم. يعني ايه اسم الله الاعظم؟ يعني اعظم مفتاح لخزائن الله. اعظم مفتاح لابواب السماوات. اعظم مفتاح لابواب الفردوس

الاعلى - [00:02:00](#)

تخيل لو انت بقى ايدك المفتاح بتاع خزنة اغنى ملياردير في العالم. هو مفتاحا مفتاح يفرق يا جماعة. اعظم مفتاح لخزائن لا هو اسم

الله الاعظم. عشان كده العلماء تنافسوا منافسة رهيبية. هو ايه اسم الله الاعظم. بعض العلماء قال اسم الله الاعظم. الله - [00:02:20](#)

حي الحي اسم الله الحي الذي لا ينام ولا يغفل لو كان ربنا سبحانه وتعالى يعني تخيل سبحانه لا ولا ينام. لو كان الهك بيغفل او

ينام. لو كان الهك بيغفل ساعة ما سيدنا يونس وقع في بطن الحوت. كان حصل له ايه؟ ساعة - [00:02:40](#)

ما سيدنا ابراهيم القي في النار كان حصل له ايه؟ ساعة ما سيدنا محمد اتحصر في الغار كان حصل له ايه؟ الحي سبحانه وتعالى

الحياة الكاملة الحياة بتاعتك انت بتنام انما الله لا يغفل ولا تأخذه سنة ولا نوم. سبحانه وتعالى. بعض العلماء قالوا اسم الله الاعظم -

[00:03:00](#)

في يوم القيوم اللي قايم على الكون كله. اللي المسجد ده ايه اللي مقومه؟ العواميد دهيه. لو العواميد دي اتشالت المسجد ده ينهار ما

ينفعلش ان هو يقوم. اللي مقوم الكون كله. اللي مقوم حياتك. اللي منعك وحافظك انك انت تنهار. انت عدى عليك الف مشكلة في

حياتك - [00:03:20](#)

كان ممكن تنهار نفسيا. كان ممكن تنهار ماديا. كان ممكن بيتك واسرتك. والرابطة الزوجية بتاعتك تنهار. عدى عليك مشاكل. كان

ممكن علاقتك بمراتك تنهار. كان ممكن علاقتك بابنك تنهار. كان ممكن انت نفسك يجي لك انهيار عصبي وما تقدرش تستحمل

الضغوط اللي عليك. مين اللي قومك؟ مين اللي - 00:03:40

يقومك لحد الوقتي مين اللي شادد صلبك لحد دلوقتى؟ مين اللي مقوم الكون دا هو كله؟ القيوم سبحانه وتعالى ما تقدرش تقوم لوحدك لا يستطيع الانسان ان يقوم واحدة. بعض العلماء قالوا اسم الله الاعظم. اسم الله الاعظم. الرحمن. الرحمن. الرحمن يعني ايه

الرحمن - 00:04:00

الرحمن ذو الرحمة النافذة. الرحمة الثلاثة اللي اتقفل عليهم الصخرة. اللي اتقفل عليهم الصخرة جوة بطن الجبل. هيوصل لهم الرحمة ازاى؟ انت ربنا اسهل واحد تاخذ منه ربنا. اسهل واحد تعامله ربنا. اسهل واحد انت مشاكلك كلها بسببك انت مش بسبب ربنا. مشاكلك

كلها - 00:04:20

مش اهمال من ربنا لك. مش عجز من رب العرش العظيم انه يحل لك مشاكلك. انت اللي مش واقف على بابه. انت اللي مش مقبل

عليك ربنا اسهل واحد تسأله - 00:04:40

سيدنا ايوب وهو في الخلاء تخيل واحد في الخلاء. يعني واحد بيقتضي حاجته في الخلاء ويصاب بما اصاب به من الهم والغم الى

الله وهو في الخلاء. مسني الشيطان بنصب وعذاب. يا رب انا باتعذب. يا رب انا مش قادر. واحد - 00:04:50

موت من الالم ومن المعاناة. ارقد برجلك هذا مغتسل بارد وشراب. الله سمعه. الله استجاب دعاؤه في هذا المكان. سيدنا يونس في بطن الحوت هو مين اللي يسمع واحد في بطن حوت؟ في قلب بحر من البحار في ظلمة من ظلمات الليل. ربنا استجاب له في بطنه -

00:05:10

الحوت الثلاثة والصخرة في قلب جبل لا فيه لاسلكي ولا بلوتوث ولا ولا اي جهاز اتصال في الدنيا كلها وربنا قبلهم وهم في بطن الجبل

ربنا اسهل واحد تاخذ منه. ربنا بيدي للطائع والعاصي. معاصيك مش مانع ان ربنا يستجيب دعائك. معاصيك مش - 00:05:30

انك تقف على بابه ويديك. والا ما كانش حد هيستجاب دعاؤه غير الانبياء. لو المزنبيين لا يستجاب دعائهم. ربنا بيدي للي يستاهل

واللي ما يستاهلش ما تقولش ما بتدعيش ربنا ليه؟ اصل انا ما استاهلش، هو ربنا اداك سمعك لانك تستاهله! هو ربنا اداك مخك

بمراكز الاعجاز اللي فيه لانك تستاهله - 00:05:50

هو ربنا اداك قلبك اللي بينبض ميت الف نبضة في اليوم؟ لانك تستاهل قلبك الميت الف نبضة اللي قلبك بينبضهم في اليوم. لو نبضة واحدة بقت اتولدت اتولدت في شبكة الاعصاب بتاعة القلب. اتولدت قبل معادها بنص سانية. او بعد معادها بنص سانية هتروح على

- 00:06:10

القلب المركزة في لحظة واجهزة وصدمة كهربائية. لو النبضة اتولدت في نبضة واحدة من الميت الف نبضة اتولدت في غير معادها

نبضات بعد كده معها ربنا يعافينا. نسأل الله العفو والعافية. نفسك وربنا اداك رتتك لانك تستاهل اللي قاعد في مستشفى الوقتي -

00:06:30

انت قاعد بسبب كورونا نسأل الله ان يشفي مرضانا ومرضى المسلمين. ونسأل الله العفو والعافية. اللي قاعد في مستشفى دلوقتى

مريض كورونا اهله بيدفعوا له ثلاثين اربعين الف جنيه في اليوم عشان يعرف ياخذ نفسه ومش عارف ياخذ نفسه. انت انت بتدفع

لربنا ايه؟ انت عايز من ربنا ايه؟ انا شاب وعايزك - 00:06:50

اتجوز. الشقة اللي انت عايزها دي بكام؟ الشقة اللي انت عايزها دي ما هياش تمن عشر تيام في عناية مركزة في مستشفى كورونا.

في مستشفى فالمريض كورونا ما هياش تمنهم ما تجيبش تمنهم اصلا. نفسك اللي انت بتتنفسه ده اغلى من الدنيا واللي فيها. انت

قبل ما تطلب من ربنا وتقول - 00:07:10

هو هو ربنا معقول هيديني اللي انا عايزه ده! افتكر اللي ربنا اداه لك فعلا سبحانه وتعالى. النعمة اللي ربنا مدها لك اعظم مليار مرة

من اللي انت نفسك فيه ربنا سبحانه وتعالى اسهل واحد تاخذ منه. ربنا بيدي للي يستاهل واللي ما يستاهلش. ربنا بيدي لكل اللي

بيروح له. ربنا زي ما ربنا قال في سورة غافر كده - 00:07:30

وقال ربكم ادعوني استجب. آآ هو الاية دي ربنا بيكلم المؤمنين؟ ربنا بيكلم المؤمن والكافر. بيكلم اللي مؤمن بوجود الله والملحد

بيكلم بيكلم الصغير والكبير بيكلم الناس كلها بيكلم الطائع والعاصي. ادعي ارفع ايدك وقل يا رب الله! يعني ربنا هيدي للكافر لو قال -
[00:07:50](#)

يا رب اه ربنا هيدي للكفن لو قال يا رب. يعني ربنا هيدي للعاصي لو قال يا رب اه ربنا هيدي للعاصي لو قال يا رب. ربنا هيدي لكل اي
حد يقول يا رب ليه؟ لانك مش - [00:08:10](#)

ما تعرفوا غير لما ترفع ايدك. لانك مش هتجبه غير لما ترفع ايدك. لان الدعاء ده لما تعرف مين هو ربنا بجد عمليا مش كلام وخلص.
عمليا ما هو واحد مريض سرطان. فبيقولوا له ادعي. فقالوا بيقولوا يا رب بس يا رب الطايواني. مش يا رب الاصلي ليه - [00:08:20](#)
يعني هو هم ما بيقولوهاش. بس هو فيه ناس جواهم جواه يعني ربنا هيعملها ازاي بقى؟ يعني هتحصل ازاي يعني؟ ما فيش اسباب
هو انت بتقول يا رب اما يبقى فيه اسباب طب ما تقول يا رب وتشوف ربنا قادر يعمل ايه. هو علي هين ساعتها. ساعتها انت هتتعرف
مين هو ربنا - [00:08:40](#)

انت تحبه بجد ساعتها انت قلبك هيتغير في معاملة ربنا بجد ساعتها. انت هيخف على قلبك اي طاعة لله. هتتغير هتتغير بدافع
الحب والتعظيم ومعرفة الله سبحانه وتعالى. اسهل واحد تاخذ منه ربنا احد اخواني. اه عامل جمعية خيرية. فكانوا مخزنين في
مخزن - [00:09:00](#)

بطاطين عشان الفقراء. اتصلوا بالاسر الفقيرة عشان تيجي تاخذ البطاطين وتستلمها. فجه بقى مجموعة كبيرة جدا من الاسر الفقيرة
والمخزن مليات البطاطين. وجم يسلموهم البطاطين فوجئوا ان الباب مقفول. يا نهار ابيض! الباب بتاع المخزن اللي فيه البطاطين
مقفول - [00:09:20](#)

بس جت من كل مكان عشان تستلم البطاطين. فصاحي بيقول طبعا وقعوا في ازمة رهيبه. طب يعملوا ايه؟ اه جابوا رقم اللي معه
مفتاح المغزل اتصلوا بها التليفون مقفول. ما فيش شبكة. طب نعمل ايه؟ جابوا بيتها وطلع ناس بسرعة طيران تروح لها بيتها تجيب
منها - [00:09:40](#)

ادتهم سلسلة مفاتيح بيقول خدنا المفاتيح ولا مفتاح منهم داخل في بتاعة في مكان المفتاح في الباب. طب نعمل ايه اتصلوا بي اتاي
المهم في الاخر جت. فجت ومعه بقى المفتاح اللي ايه المفتاح السليم. بتحط المفتاح في الباب وبتعمل كده. بيقول لي فجأة -
[00:10:00](#)

ان الباب مفتوح اصلا. كل المشكلة ده ايه بيقول واحنا واقفين قدام باب لو عملنا الاكرة كده هوت يطلع الباب مفتوح. هي دي مشكلة
ناس كتير اوي دي صدمة ناس كتير قوي يوم القيامة. لما يكتشفوا ان الباب كان مفتوح وهم اللي حاطين حواجز وهمية بينهم وبين
ربنا. انك انت - [00:10:20](#)

اكسر الحواجز الوهمية اللي بينك وبين ربنا. اكسر الحواجز الوهمية. معصيتك اللي انت عملتها طول عمرك دي مش حاجز بينك وبين
ربنا. غفلتك تقصيرك تفريطك ما هوش حاجز بينك وبين ربنا. ما هوش حاجز بينك وبين انك ترفع ايدك وتقول يا رب وتتنقي غضب
الله - [00:10:40](#)

هات ايدك داهيه تتقي غضب الله من لم يسأل الله يغضب عليه. اكسر الحواجز الوهمية. واحد من اخواننا بيقول لام آآ واحد آآ تاني
بيقول لها ادعي لي يا امي. قالت له يا ابني وادعي لك ليه ايه؟ هو حبيبيك ادعيه. هو انت طلبت منه قبل كده وما ادكشي؟ ركز مع
ربنا شوية. زي ما - [00:11:00](#)

طب ركز مع اصحابك. اللي لك اللي له واحد صاحب مننا استشهد معه وعمل حركتين مرحلة ومجدعة ورجولة معه. بيفضل فاكرهم
له طول حياته ما حدش بينسى المواقف. انت ممكن تنسى الكلام وخلص كلام ايه وطار مع اللي طار. انما المواقف ما بتتنساش. طب
انت ربنا - [00:11:20](#)

وقف معك كم مرة؟ انت ربنا نجدك كم مرة وهدينا النجدين؟ انت ربنا نجدك كم مرة؟ من اول بعض المفسرين قالوا هديناه النجدين
قالوا نجدين هما ثديا الام. سدر الام يعني ايه النجدة اللي في كده؟ هو انت ساعة ما اتولدت! هو انت لو ما كنتش لقيت صدر الام -

00:11:40

اللي ترضع منه انت كنت ضعت. كان كذا ساعة وتموت. اول نجدة ربنا نجدها لك. وانت نازل لا بتسمع ولا بتشوف ولا انت عارف حاجة اخرجكم من بطون امهاتكم لا تعلمون شيئا. المعلومة الوحيدة اللي ربنا عرفها لك ازاى ترضع من ثدي الام؟ لولا - 00:12:00 المعلومة دهى ولولا النجدين اللي ربنا نجدك بهم اللي هو ثدي الام. كان زمانك ربنا ياما نجدك. ربنا ياما وقف معك. ربنا ياما غير حاجات كتير اوي من غير ترتيب منك وحياتك انتقلت من نقلة لنقلة من غير ربنا ما استجاب دعاءك. انت اللي مش مركز مع ربنا. انت مركز مع الناس. انت مركز مع - 00:12:20

وماشي في الشارع قلت له الساعة كم؟ قال لك الساعة كذا. قلت له الف شكر. انت مركز مع اللي عمل لك ابسط خدمة ان انا مش مركز مع ربنا. لو ركزت - 00:12:40 مع ربنا هتتصدم من كمية اللطف اللي ربنا لطف به في حياتك. ولكن احنا ما احناش حاسين. الباب مفتوح. في شباب بينك وبين ربنا مقفول اصلا لما احد السلف كان يقول دائما لمريديه من ادمن طرق الباب يوشك ان يفتح له واقف واقعد خبط على باب - 00:12:50 لحد ما يفتح لك في احدى نساء السلف قالت له بئس ما تقول ومن قال ان بابه مغلق حتى نحتاج الى يفتح هو مين قال ان بابه مقفول اصلا؟ الباب فيه ناس حاطة حواجز بينها وبين ربنا. تيجي تقول له ادع ربنا زنوبي كتير. زنوبك! يا عم ده ابليس لما قال -

00:13:10

انزرنى ربنا استجاب لدعاؤه. هو انت اسوأ من ابليس؟ قل يا رب اصل انا مش مخلص. قل يا رب ارزقني الاخلاص. اصل انا زنوبي كتير. قل يا رب اغفر لي وتب علي - 00:13:30 اصل انا وحش قل يا رب حلها من عندك. ادعي ربنا. اتعلم ان الباب بينك وبين حبيبك مفتوح. ان الباب بينك وبينه رب مفتوح. هو ربنا سبحانه وتعالى عمل معك غير الخير. هو ربنا عمل لك غير كل خير سبحانه وتعالى اسم الله الاعظم. البعض قال اسم الله -

00:13:40

والبعض قال اسم الله القيوم. والبعض قال اسم الله الرحمن. يعني ايه الرحمن؟ ذو الرحمة النافذة. التي نفذت الى ايوب وهو في الخلاء. ونفذت الى يونس وهو في بطن الحوت ونفذت الى الثلاثة وهم في بطن الجبل ونفذت الى محمد بن عبدالله عليه الصلاة والسلام وهو في بطن الغار ونفذت - 00:14:00

الى ابراهيم وهو في بطن النار. راح من نافذة ما فيش حواجز بين رحمة الرحمن وبينك مهما كنت في اي مكان مهما كنت انت اكسر اي حاجز بينك وبين الله لما واحد يعني يقول لك ايه انا الدعاء جميل اوي انك انت تيجي قبل المغرب النهاردة - 00:14:20 النهاردة ساعة اجابة عزيمة من اعزم اوقات الاجابة طول الاسبوع. تيجي قبل المغرب بربع ساعة تلت ساعة نص ساعة. انت بقى واللي ربنا يفتح بها عليك. وتقوم قافل على نفسك مكان وماسك - 00:14:40

كتيب دعاء كده اي كتيب دعاء عندك؟ او انت تدعي من قلبك وتقعدي تدعي ربنا؟ جميل انك انت تيجي بكرة مسلا حصل لك مشكلة تقوم متوضي فارس سجادة الصلاة الله اكبر وتصلي ركعتين وتعيط بقى لربنا. جد مش جميل. ده دي هتغير لك حياتك. الركعتين دول هيغيروا لك حياتك كلها. لو بقوا - 00:14:50

لايف ستايل عندك وساسة ولكن هل لازم اوقف حياتي عشان ربنا يستجيب لي؟ لأ. هل لازم حياتي تقف عشان ربنا استجب لي الله. ادع ربنا وانت ماشي. ادع ربنا وانت مروح بيتك الوقتي. خد الطريق دعاء. ادعي. انت بتدعي سميع عليم سبحانه وتعالى. ادع ربنا النبي عليه الصلاة والسلام. وهو - 00:15:10

يعلمنا ان وانت رايح تجامع زوجتك بتقول اللهم جنبنا الشيطان وجنب الشيطان ما رزقتنا هو اللي رايح يجامع زوجته يا جماعة يقول لها استني بقى استني متوجه على القبلة وارفع ايدي واجمع قلبي على الله يا ابني ده واحد رايح اجابة زوجته يعني يقينا اقصى حاجة هيقدر يعملها انه يبقى مركز في - 00:15:30

الكلام اللي بيقله خلاص. اللهم جنبنا الشيطان وجنب الشيطان ما رزقتنا. انت مش محتاج انك توقف حياتك عشان ربنا يستجيب

لك. ربنا بيستجيب لك فوق اي ارض وتحت اي سماء. ربنا قريب مجيب في اي لحزة. لما يقول لك ايه اوقات اجابة الدعاء آ دي مش اوقات اجابة الدعاء. يقول لك ما بين الازان والاقامة - [00:15:50](#)

وفي سجود الفرائض وفي الثلث الاخير. دي مش اوقات غير اوقات اجابة الدعاء كل الاربعة وعشرين ساعة. تلتمية خمسة وستين يوم في السنة. سبع تيام في الاسبوع اوقات اجابة الدعاء هي كل لحزة قلت يا رب من قلبك. امال دي ايه؟ دي اوقات يعظم فيها الرجاء. ان ان يستجاب الدعاء - [00:16:10](#)

ادعي ربنا الساعة تسعة الصبح. ربنا سميع عليهم. ادع ربنا الساعة اتنين الضهر. ادع ربنا قبل ما تنام. ادع ربنا في كل وقت. قل يا رب اسم الله الاعظم الرحمن - [00:16:30](#)

رابع قال لك اسم الله الاعظم ذو الجلال والاکرام. ذو الجلال والاکرام اسم مهول. النبي صلى الله عليه وسلم يقول ايه؟ الظوا يا ذا الجلال والاکرام الظوا يعني ايه الظه؟ ها انت عارف يقول لك فلان ده ملزلز ملزلز يعني ايه؟ يعني من كتر - [00:16:40](#)

ما هو ماشي ايده قاعدة تتحرك. جسمه قاعد يتحرك طول ما هو ماشي. الظوا خلي قلبك يترج وانت بتقول يا ذا الجلال اكرام يا ذا الجلال هو ايه الجلال عارف يقول لك آآ ده الشيخ فلان وهو بيقرأ في الميتم الفلاني كان صوته مجلجل - [00:17:00](#)

المكان بيترج من الصوت بتاعه. ها يقول لك يا ذا الجلال اللي من عظمة جلاله قلبك يرتجف كما تذكرت عظمته وجلاله والاکرام بقى. يعني تخيل بقى خاطب خاطب القلوب بذى الجلال - [00:17:20](#)

وخاطب النفوس بذل اكرام فهمها. ذو الجلال بيخاطب القلب يخليك تحس بعظمة الله. ذو الاکرام خاطب النفس بقى عارف النفس النفسية بتاعتك. النفسية النفسية النفس دي محل الرغبة انت لما بتغمض عينك تقعد تحلم انا نفسي في شقة - [00:17:40](#)

ونفسي اتجوز ونفسي العيال آآ يحصل لهم كزا. ونفسي في فلوس ونفسي في عريبة. نفسي دي اللي هي النفس اللي هي النفسية. فالنفس هي محل فانت الوقت الاکرام ده لما تعرف ان ربنا ذو الاکرام بيدي بيغمر اللي بيحي له اسم الله الاعظم من الاسماء - [00:18:00](#)

اللي قال العلماء عنها انها اسم الله الاعظم بديع السماوات والارض. بديع السماوات والارض. الشيب البديع الذي ليس او مسال ربنا ما لوش زي في السماء ولا في الارض. وبديع السماوات والارض اللي ابدع كل حاجة في السماوات والارض. يعني السما والارض دي تحف - [00:18:20](#)

فتحفة فنية. ابداع. بص على اي مخلوق. بص على شاشات العرض الجبارة. اللي بتعرض ملايين المخلوقات اللي ربنا خلقها في السماء والارض ابداع بص على المجرات. ادخل على الموقع بتاع آآ وكالة ناسا الامريكية او مرصد هابل الامريكي. ادخل كده واتفرج على صور - [00:18:40](#)

مجرات والافعال كيتوه. انت انت عشان كده من اسماء الله العظيمة اسم الله الواسع. انت مضيق افقك مع ربنا ليه؟ تيجي في شاب انت نفسك في ايه والله نفسي في شقة مية مية وعشرين متر اتجوز فيها. ربنا امبارح يعني نزلنا جولة كده في الشارع قابلت مجموعة من الشباب - [00:19:01](#)

فباقول لهم انت تخيلوا البرج اللي وراك ده ملكي انا بتاعي انا وانت حبيبي ما اقدرش اديك فيه شقة ربنا كل الدنيا دي بتاعته ربنا يقدر تديك اي حاجة. انت انت عارف انت مصلحتك في ايد ربنا قد ايه. سبحانه وتعالى انت عارف انت مصلحتك مع الله عشان كده من الادعية العظيمة. اللهم - [00:19:21](#)

فمصرف القلوب صرف قلبي على طاعتك. حديس عن النبي عليه الصلاة والسلام في صحيح مسلم قال لك يعني ايه مصارف القلوب؟ قال لك يعني ربنا في المطر كلف ملك انه - [00:19:41](#)

يشيل موضوع المطر. ربنا في الجبال كلف ملك انه يشيل موضوع الجبال. ربنا في الارزاق كلف ملك انه يشيل موضوع الارزاق. ربنا في النزول الوحي على الانبياء كلف ملك انه ينزل ربنا في نفخ السور بتاع يوم القيامة كلف ملك انه ينفخ في السور. كل امور الكون ربنا مكلف ملائكة بامر - [00:19:51](#)

قال لك الا قلبك. قلبك ربنا لم يكلف به ملك. ولم يطلع احد في الكون على الاسرار اللي في قلبك تجاهه. ربنا ما فضحكش. كان ممكن ربنا يخلي قلبك ده في ايد ملك يطلع عليه ويكتب اللي فيه ويغير - [00:20:11](#)

احواله على حسب بقى مراد ربنا في تصريف قلبك ربنا ما خلاش حد يطلع على قلبك الا هو بس. ان الله لا ينظر الى صور ولكن ينزر الى قلوبكم. ربنا بس الوحيد في الكون اللي عالم باللي في قلبك هو ربنا. سبحانه وتعالى. فاللهم مصرف القلوب - [00:20:31](#)

قلوب ان قلبك تصريف قلوبنا دي كلها يعني ايه تصارف القلوب؟ يعني قلبك وجهته ايه؟ قلبك رايح على فين؟ قلبك عايز ايه؟ انت نفسك في ايه انت وجهتك ايه انت متوجه على فين؟ دي بتاعة ربنا بس في ايده. يعني ايه مصرف القلوب؟ يعني قلبك مش في ايدك. امال في ايد مين؟ في ايد الله سبحانه وتعالى - [00:20:51](#)

في يد الله سبحانه وتعالى الله. الله اللي يا اخوانا آآ معرفة ربنا هتفيدك الوقتي في حياتك. معرفة ربنا هتخليك دلوقتي ترفع ايدك تاخذ ذهب من السما بكلمة يا رب لانها طالعة من قلب عارف مين هو ربنا. معرفة ربنا هتخليك من اهل الله وانت ماشي على الارض. ولكن - [00:21:11](#)

صفة ربنا في لحزة من اللحزات مش هتشفكك باي حاجة. قال الله عز وجل يوم يأتي بعض ايات ربك لا ينفع نفسا ايمان خلصت. الله! ده انا عرفت مين وراك كل الناس هتعرف ربنا يوم القيامة. تخيل! اما ان السماوات السبعة دي تنزل الملائكة بتاعتها - [00:21:31](#)

الناس هتهنهار من الندم على ان ربنا جلاله بهزا الجلال وهم غفلوا عنه والناس هتهنهار. ربنا بيصور اللحزة دي في سورة الفرقان يقول ويوم تشقق السماء بالغمام. يبجي سحب كده غمام ويتشق. والسماوات تتشق وتنزل - [00:21:51](#)

ملائكة السماوات السبعة. ويوم تشقق السماء بالغمام ونزل الملائكة تنزيلا. الملائكة قاعدة تنزل تنزل ملايكة السماء الاولى وبعد كده الثانية مش آآ مش سبعة مليار بقى بشر عايشين على وجه الارض. ده ملايكة السما الاولى الواحدة مليارات المليارات - [00:22:11](#)

وكوادريونات التريليونات واعداد مهولة وملائكة السما الثانية والثالثة والرابعة فربنا قال بعدها ايه؟ ويوم يعرض الظالم على يديه بعض يتجنن يعرض على يديه مش عرض على انامله او اصابعه او يعرض على يده على يديه. واحد فقد عقله في ارض المحشر. واحد اتجنن. اتجنن ليه؟ لما شاف - [00:22:31](#)

واحد من مناظر جلال الله اللي هو تنزل جنود الله من السماوات ندم على عمره. اكبر غفلة في الدنيا مش انك تبقى غافل عن درجات الجنة. اكثر ندم هتحس به في حياتك. يوم القيامة مش ساعة ما هتشوف الجنة وتقول يا ريتني اشتغلت عشانها اكثر من كده. ولا ساعة ما هتشوف النار وتقول يا - [00:22:57](#)

الطاقتها اكثر من كده. ساعة ما هتشوف مشاهد جلال الله يوم القيامة. وتقول يا ريتني ما كان لي وجهة في حياتي الا الله لذا قال رسول الله صلى الله عليه وسلم صدق المفردون. يعني ايه المفردون؟ الذين افردوا الله بالقصد. الذين افرضوا الله - [00:23:17](#)

وجهة الذين الله بالذكر اللي فهم ان ما فيش حاجة تستاهل الا ربنا. مين اللي يستاهل غيره؟ فخلي قلبه له ووجهته هي ربنا جو ربنا وما وقفش الا على باب ربنا اسمه الله الاعظم. من المسابقات العظمى اللي ربنا جعلها للعباد من يفوز بها - [00:23:37](#)

اقول قولي هذا واستغفر الله لي ولكم. الحمد لله وكفى. وصلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على محمد اللهم صل على حبيب قلوبنا. وطبيب - [00:23:57](#)

قلوبنا وشفيعنا يوم العرض عليك محمد صلى الله عليه وسلم. الله سبحانه وتعالى جعل ملائكة يوم الجمعة موكلة فقط بايصال الصلاة والسلام على الرسول عليه الصلاة والسلام منك للنبي عليه الصلاة والسلام. يعني يوم الجمعة ربنا وكل سفراء بينك وبين رسول الله - [00:24:17](#)

صلى الله عليه وسلم. شف انت بقى واحد جاي لك بيقول لك عايز تقول لسيدنا محمد حاجة؟ اوصل لسيدنا محمد ان محمد احمد ابراهيم اللي ساكن في المعادي في المكان - [00:24:37](#)

الفلاني اوصل له حاجة باسمك. اه شف بقى انت عايز توصل للنبي عليه الصلاة والسلام ايه النهاردة؟ عليه الصلاة والسلام اكثر من الصلاة على رسول الله. اكثر من السلام على حبيب الله. محمد عليه الصلاة والسلام عليه افضل الصلوات من رب العالمين. الى يوم الدين. اللهم صل وسلم وزد وبارك على الحبيب محمد - [00:24:47](#)

عدد قطر الامطار وعدد ورق الاشجار وعدد مكابيل البحار وعدد ما اظلم عليه الليل واضاء عليه النهار. اللهم صل وسلم وزد على الحبيب محمد عدد خلقك ورضا نفسك. وزنة عرشك ومداد كلماتك. عليه افضل الصلوات من رب العالمين الى يوم الدين - [00:25:07](#)
اما بعد اسم الله الاعظم اختلف العلماء فيه على ستاشر قول. ولكن من الاقوال اللي فيه بعض العلماء قال لك هو اسم الله الاعظم ده. الاعظم عند الله يعني ده يعني مسلا ايه آآ اي حد مننا ممكن يبقى مسلا ايه كريم وشهم وآآ مسلا وايه وشجاع وآآ - [00:25:27](#)
وزكي اجمل صفة لك تحب ان الناس تتكلم عنك بها ايه. فواحد يقول لك الشهامة الشهامة والرجولة والمجدعة وان انا لي مواقف والكلام ده مع اصحابي لما لما يحصل لهم اي احزان او افراح دي اهم صفة عندي ودي اكبر صفة انا مركز عليها ولله المثل الاعلى الله سبحانه وتعالى ايه اكثر - [00:25:47](#)

اسم من اسماء الله ربنا بيحبه. العلماء كلهم بقى بيدوروا حوالين دي. اسم الله الاعظم اللي هو الاعظم عند الله. بعض العلماء بقى زي الطبري وابن حجر الغزالي قال لك اسم الله الاعظم ده الاعظم عندك انت. يعني ايه؟ ده ده بقى ايه؟ ده ده واحد بص من ناحية تانية - [00:26:07](#)

خالص. الطبري قال لك كل اسماء الله اسماء عظمى. بعض العلماء قال لك لآ. اسم الله الاعظم هو الاعظم في قلبك انت. يعني ايه؟ يعني اسم الله قال اعظم عندك ممكن يبقى الصمد. انما عندك انت ممكن يبقى الرحمن. انما عندك انت ممكن يبقى اللطيف. ايه اكثر اسم قلبك عايش معه؟ ايه اكثر ساعات كلنا - [00:26:27](#)

بنجرها للي بيدعوا ربنا باسمائه الحسنى. ساعات تبقى عايش اوي مع اسم الله الصمد. الذي يصمد اليه الكون في الحوائج. كبير الكون الكبير بتاع عارف زمان لما كان يبقى فيه كبير للقبيلة ما فيش حاجة تحل ولا تربط الا بامرهم. وما فيش مشكلة الا ترجع له هو اللي بيت فيها - [00:26:47](#)

ده الصمد بتاع القبيلة دي. آآ الصمد كبير الكون اللي ترجع له في كل حاجة. ساعات تبقى عايش قوي مع الصمد. فتدعي ربنا باسمه الصمد. تلاقي الدعاء بيستجاب في نفس اليوم في نفس اليوم تيجي بعد خلاص عرفت بقى هو الصمد. تيجي مرة تانية انت مش حاسس بالاسم بقلبك. ما هو قلب بقى قاعد يتقلب. فمش حاسس بالاسم - [00:27:07](#)

قلبك. ولكن انت كأن ايه لقي المفاتيح بتاعة الاسماء الحسنى مش بتفتح بالايدين بتفتح بالقلوب. فتيجي تدعي باسم الله الصمد تلاقي مش نفس درجة الاجابة اللي فاتت. ليه؟ فتقوم بقى في الوقت ده تبقى انت عايش اوي اوي مع اسم الله الودود. فتيجي تدعي بالودود تلاقي الدعاء - [00:27:27](#)

يستجاب على طول او باللطيف او بالسميع العليم. الاسم اللي قلبك عايش معك تلاقي الدعاء بيستجاب على طول. تيجي تقوم بعد اسبوع ولا شهر تقع في زنقة تيجي تدعي انت مش حاسس به ولكن هو خلاص انا عرفت ان هو مفتاح بقى ايه الاسم التوسل الى الله به يفتح الابواب المقفولة. تفاجى ان الاجابة لا الاجابة - [00:27:47](#)

اسم اللي قلبك عايش معه وانت بتتوسل الى الله به. اسماء الله الحسنى دي ان لله تسعة وتسعين اسما. هم مش تسعة وتسعين اسم يا جماعة دول تسعة وتسعين مضاد للتوتر والاكئاب. دول مستشفى اعزم مستشفى امراض نفسية في الدنيا كلها. اللي مش بيدرس اسماء حسنى ده غلبان - [00:28:07](#)

يا عيني! والله العزيز محروم! محروم! انا لم اجد سبب للسعادة في الحياة غير الاسماء الحسنى. ولا الواحد ده السعادة في الحياة غير وهو بيسمع عن اسماء الله الحسنى. هي اسماء الله الحسنى هي سبب السعادة. لما هتعرف عشان كده ولله الاسماء الحسنى فادعوه - [00:28:27](#)

بها وذرروا الذين ايه؟ يلحدون في اسمائهم. يلقي الالحاد ده آآ عارف اللحد. اللحد ده طارئة من طرق الدفن. فيه ناس مش عايزة ناس

تعرف ربنا ليه ؟ لان معرفة ربنا هي اكثر حاجة هتغير الغني والفقير. معرفة ربنا هي اكثر حاجة هتغير الحاكم - [00:28:47](#)

والمحكوم. معرفة ربنا هي اكثر حاجة هتغير الوزير والغفير. ما فيش حد هيملك نفسه لو عرف مين هو ربنا. لو حد لو عرف كرمه

وغناه وقدرته ولطفه وجلاله واكرامه ومنه وبر واحسانه - [00:29:07](#)

مستحيل هتملك نفسيتك غير انك تتلهف على باب الله. هتسبب الدنيا. هيبقى ربنا هو وجهتك. ما حدش هيملك نفسه امام. اذا عرف

الله سبحانه وتعالى تحرم نفسك منها ليه ؟ واحد بيقول لي ده فيه فلان ده راجل اعمال آآ راجل من رجال البر والاحسان - [00:29:27](#)

بيطلع يوميا صدقات تسعين الف جنيه. يوميا بيطلع صدقة طبعا يعني فيه ناس اصلا من اهل البر والاحسان بيطلعوا اضعاف اضعاف

المبالغ دي يوميا. بيطلع يوميا تسعين الف جنيه. سبحان الله العظيم! اومال الله البار المحسن يعمل ايه بقى لاولياؤه - [00:29:47](#)

اذا كان ده بر المخلوق بالمخلوق. اومال بر الله بديع السماوات والارض ذي الجلال والاکرام. ما لك الملك الرحمن الصمد الحي الحي

القيوم امال بر الله رافع السماوات رب المشارق والمغرب. رب العرش العظيم رب الملائكة والروح. رب العالمين - [00:30:07](#)

اللي خلقك ورزقك وكفاك وشفاك وقواك. امال بر ربنا بعبد له لما ربنا يحب عبده بقى. بيبقى بر شكله ايه ؟ فاللي يعرف ربنا تلهف على

باب الله. خلاص ما عايش قادر يفكر في يفكر في مين ؟ انت خلاص تيمت نفسك بمعرفة الله. اتيمت بقى. بقيت متميم - [00:30:27](#)

اه وده اسم الله اللي هو برضه علماء كتير قوي قالوا ان اسم الله الاعظم. قالوا الله من الوله. عارف الولحان. عارف اللي وصل من

الحب الحد انه صار ولهان من كتر الحب. الولا عشان كده سيدنا ابراهيم بيقول لابوه ايه اتتخذ اصناما ايه ؟ الهة انت مجنون ؟ انت -

[00:30:47](#)

قاعد تتأله. انت قاعد تتولى. انت قلبك قاعد يعيش في حب حجارة. انت مجنون! انت ايه الله! الله الذي تأله القلوب. اللي القلوب

بتبقى يعني تتأله وهي ساجدة بين يدي سبحان ما فيش حد - [00:31:07](#)

تاني كده ما فيش حد في الوجود كده ابا ما كان شخصية انت بتعزمها ولا ابوك انت بتحبه ولا ملك من الملوك انت ترجو يعني

عطاء ما ما فيش حد انت بتطيعه وانت متولي الا الله سبحانه وتعالى - [00:31:27](#)

الله سبحانه وتعالى يعني معرفته هتنتفعك في الدنيا. ولكن يوم القيامة ما فيش حد يوم القيامة مش هيعرف ربنا. ولكن معرفة ربنا

يوم القيامة هتخلي الناس ويوم يعرض الظالم على يديه يقعد يندم يا ريتني كنت عرفته في الدنيا. عشان كده الله يقول سبحانه

وتعالى وله الحمد في الآخرة. يعني ايه وله الحمد في الآخرة - [00:31:42](#)

الكافر يدخل جهنم وهو يحمد الله. ان يثني على الله. كله هيعرف مين هو ربنا يوم القيامة. كله هيشوف قدرة الله اللي كان ممكن يوم

القيامة ده الناس طلعت من تحت التراب يلا زي ما بيوم النتيجة كده في الكلية ولا في الماجستير ولا الدكتوراة كلنا بنروح نشوف

النتيجة ونشوفها ازاي اه النتيجة متعلقة هناك اهو - [00:32:02](#)

تقوم داخل تلاقي النتيجة متعلقة ناجح ساقط امتياز آآ كذا كذا خلاص عرفت نتيجتك سلام عليكم. كان ممكن يوم القيامة كله بيبقى

خمس دقائق مش خمسين في سانية خمسين الف سنة. الناس طلعت من تحت التراب. يلا هناك النتيجة اهي كل واحد يعرف نتيجته.

وكل واحد يجري بقى على جنة ولا على نار. خلاص خلصت. هو ليه خمسين الف سنة - [00:32:22](#)

هو انت رحت مرة تاخذ النتيجة بتاعة الكلية لقيت الكلية اتهدت ربنا بيهد الكون قدام عينك ليه يوم القيامة ؟ لان ان ربنا يوم القيامة

بيعرف الكون كله من هو الله. قبل ما ربنا بيعرف الناس حسابهم ربنا الاول بيعرفوا مين هو ربنا - [00:32:42](#)

كان لما يشوف المعصية بتاعته في الصحيفة يعرف هو عصى مين. يعرف هو عصى مين في النهاية بيدخل الكافر النار وهو يثني

على الله يعني يثني على الله. يعني عرف ان هو اللي مجرم مش ربنا اللي ما اعطاهوش ولا ما ادهوش لفضل ربنا عدل وربنا كريم

وربنا رحيم. هي المشكلة بتاعته هو. احنا - [00:33:02](#)

اه مشكلتنا كلها بسببنا. ربنا ما عندوش مشكلة. ربنا ما عندوش مشكلة انه يعمل لك اي حاجة. ربنا ما عندوش مشكلة انه يشفي لك اي

مرض. ولا عنده مشكلة انه يغنيك - [00:33:22](#)

ولا عنده مشكلة انه يديك. ولا عنده مشكلة انه يهديك. المشكلة عندك انت. انت اللي مش عارف تاخذ من ربنا. يا اما لانك مصعب

السكة قوي. اصل انا بقى لما ابقى اتصلح - [00:33:32](#)

يا عم ابقى قابلني بقى ان شاء الله ان شاء الله يوم القيامة بقى يا ابني قل يا رب زي ما انت كده. باللي انت فيه كده قل يا رب -

[00:33:42](#)

على بابه. ما تحرمش نفسك من بره واحسانه بسبب حواجز وهمية انت اللي حاططها ربنا ما حطها لكش. ربنا ما فرضهاش عليك انت اللي معتقد ان لما ابقى مستوايا كزا ابقى اقول يا رب. لأ اصل استنى بقى ما فيش بينك وبين ربنا ايه مشاكل؟ الباب مفتوح. ادخل

من بابواب - [00:33:52](#)

رحمة الله وبر واحسان الله ستجد الله غفورا رحيمًا. وستجد الله سميعًا عليماً. وستجد الله عليماً قديراً. وستجد الله لطيفاً ودوداً.

وستجد الله مالكا لكل شئيه مهيمنا على كل شئيه. بيده الخير كله. وستجد الله برا محسنا - [00:34:12](#)

وستجد الله اكرم من ان معطي وهاب سبحانه وتعالى. ولن تجد غير هذه الصفات عند الله سبحانه وتعالى. ربنا اكرم الاكريمين نسأل

الله اللهم احي قلوبنا بمعرفتك. اللهم احي قلوبنا بالعلم بك. اللهم اجعلنا من اهل القرآن - [00:34:32](#)

اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا. اللهم اهدنا وسددنا ووفقنا وارشدنا. اللهم تب علينا

توبة ترضى بها عنا. اللهم تب علينا توبة نصوحة. اللهم تب علينا توبة ترضيك - [00:34:52](#)

اللهم تب علينا توبة لا نرد على اعقابنا بعدها ابدا. يا من تبسط يدك بالليل ليتوب مسيء النهار. تب علينا يا ربنا من ذنوب الليل نهار يا

من تبسط يدك بالنهار ليتوب مسيء الليل. نستغفرك يا ربنا من ذنوب الليل والنهار. نستغفرك يا ربنا من - [00:35:12](#)

المعاصي الليل والنهار نستغفرك يا ربنا من خطايا الليل والنهار. نستغفرك يا ربنا من اثم الليل والنهار استغفرك يا ربنا من عدوان الليل

والنهار. اللهم تب علينا. اللهم اغفر لنا. اللهم انا نقسم عليك ببرك واحسانك - [00:35:32](#)

ذلك ان تغفر لنا. اللهم انا نقسم عليك بنعمك علينا ورأفتك بنا ان تغفر لنا. اللهم اغفر لنا وتب علينا انك انت التواب الرحيم. اللهم انك

عفو كريم تحب العفو فاعف عنا. اللهم انا نسألك العفو والعافية - [00:35:52](#)

اللهم اغفر للمسلمين والمسلمات والمؤمنين والمؤمنات الاحياء منهم والاموات. سبحانك اللهم وبحمدك. اشهد ان لا اله الا انت استغفرك

واتوب اليك - [00:36:12](#)